

內外科
三科

驗方五千種

上海進步
書局印行

臨盆總論

婦人生產乃造化自然之理俗所謂瓜熟蒂落原屬平常事毋庸驚疑然竟有難產者皆因妊娠之後不知培養之道犯禁忌於平時及至臨期但急催生而用力太早以致橫生逆生種種難產傷害母子或在頃刻或遲月日可不畏乎所以胎前保護不可不講而臨盆坐早亦宜究心焉

六字真言 附或問七條

一字曰睡將產時須要調養心神愛惜氣力若能上床閉口安睡片時最好若不能睡暫時起身或扶人緩行或倚桌站立痛若稍緩又上床安睡總以睡為第一妙法但宜仰睡使腹中寬舒小兒易於轉動且大人睡下小兒亦睡下轉身更不費力

二字曰忍痛若腹中痛且令扶行或痛或止尚痛得慢名曰弄胎非正產也凡腹痛腰痛不痛者未產腰痛腹不痛者未產不可使穩婆試手探亦不可屈腰眠臥直至腰腹齊痛甚緊一陣不住連痛三五七陣時時眼中如見火光此真欲產也自然易生若痛陣未急又須扶策徐行起若艱難即憑物立切勿不耐腹痛坐草太早以致難產 或問忍痛過久恐有不妙曰最妙從未有私胎而難產者蓋私胎怕人知覺只得極力忍痛忍到沒奈何時兒即脫然而下此理甚明有何疑慮

三字曰慢臨盆將產時切不可輕易臨盆倘若聽信穩婆說孩兒頭已在此以致用力太早誤

盡大事此乃天地自然之理若當其時小兒自會尋路鑽出何須著急從來瓜熟蒂落水到渠成自然而然而不待勉強及至生下即產母亦不知其所以然也 或問大便亦須用力如何生產亦不用力要知大便是呆物必須人力小兒自會運動不但必用力却又切忌用力蓋小兒在母腹中要聽其慢慢轉身尋到產門頭向下腳向上倒懸而出若小兒未曾轉身用力一逼則腳先出轉身未定時則用力一逼則橫臥腹中一手先出即或轉身向下生路未正用力畧早亦偏在一旁不得出種種弊病皆是時候未到誤於用力之故即如大便未到糞門縱然用力亦不能出而況於生產乎

或問如何方是用力之時答曰若小兒逼到產門則產母交骨分開胸中陷下腰腹重墜異常大小便一齊俱急目下金花亂閃真其時矣當於此時用力一迸小兒誕生便稱恭喜矣 或問早一時斷不可動矣不知遲了一時可不妨否答曰不妨若果當其時必無不出之理即或有不出者此是小兒力乏不能即出但令產婦上床安睡使小兒在腹中亦得安睡歇力片刻自然生矣

或問臨期有經驗丸丹亦可用否曰不用大凡生產自有時候時至自生何須用藥未到時候切不可早用催藥強其速生使兒不能轉胞反致橫生倒生如欲用藥須待腰腹痛急胞水與血俱下真正是將產時候始可用藥順勢推之藥亦只須用加味芎歸湯佛手散蓋胎前要血足血一足如舟得水何患不行特恐產母血少又或胞漿早破以致乾澀耳今二方俱大用芎歸使宿血頓去新血驟生隨手見效且使產時快便則產後無病其餘耗氣損血等藥雖極靈應總之有碍 昔陳氏妻生產九日不下僅存一息叩醫求克腦兒問之曰頭逼

或問穩婆究該用否曰既有此輩亦不可不用但要全憑自家作主不可聽命於彼耳大抵此
等人多愚蠢不明道理二進門來不問遲早但令坐草用力必定該孩兒頭已在此或揉腰
擦肚或手入產門探摸多致損命更有狡惡之輩不肯安靜故作呀咬之聲以逞其能欲索
重謝以致產母驚疑害尤不可言矣按吳越間謂之穩婆江淮間謂之收生徽寧間謂之接
生婆因其年老慣熟使之接兒落地收生上床耳原非要他動手也每見富貴之家預將穩
婆留住及到臨時稍不快便前門後戶引到無數紛紛攘攘鬧成一片所謂天下本無事庸
人自擾之 昔張氏妻年輕體壯每孕必八個月而產每產必數日而下生女必週而殤醫
曰日後臨產可相聞明年又八個月而產三日不下僅存殘喘忽憶醫言飛輿迎視診之脈
未離經穩婆在旁曰兒頭已抵產門不得出耳醫急令安卧且戒弗擾與安胎藥明晨主人
出謝醫曰夜來若何主人曰想是試胎今已安好後百二十日計十二個月足生男且少病
多壽始知從前皆生採取出因產婦體壯年輕幸得保全性命

或問催藥不可亂投穩婆不可輕信已聞教矣若先時誤於用力以致橫生倒生奈何曰急令
安睡用大劑加味芎歸湯服之略用手法自然生矣手法見後十產論

十產論

凡生產先知此十證庶母子兩命皆得保全世之業收生者宜知此庶不害人妊娠之家宜知
此庶不自害

一曰橫生因兒身方轉產母用力太早逼令兒身不正先露手臂但令產母安然仰卧穩婆以
手徐推兒臂令上復以中指探兒肩弗使臍帶絆繫待兒身轉正頭對產門即生

二曰倒生因兒未及轉身產母努力一迸故先露足亦令產母安然仰臥穩婆以手徐推足入靜候片時俟兒身轉正迎門即生 但見兒手足略有出意即令產母寬心仰臥輕輕送入弗令多出蓋出少則易入未久則易入如出多而久則手足青硬子必受傷難以扶入又切不可聽兇惡穩婆用刀斷兒手足手足一斷則必亂擾腹中兩命俱傷矣 昔一產婦用力太早兒手出不得入穩婆礪刃以須其翁商之於子聞之惻然遂急令安臥與大劑芎歸湯以鹽半分塗小兒手心以香油抹兒滿手輕輕推入明日生下母子皆安右臂紫黑數月始消蓋鹽主收縮且螫人痛兒手得鹽則痛而縮進自然轉身生下足先出者亦如此法或問橫生倒產此皆用力太早之故世間亦有未曾用力而多難產者何也答曰或因母體本弱血氣虛損胎養不足或因母病傷寒之後熱盛損胎亦或孕後不戒房事以致慾火傷胎又或多食椒薑炒炙等物熱毒傷胎以及跌撲損傷等症皆致產難藥用加味芎歸湯佛手散

三曰偏產因兒雖已轉身但生路未正被母用力逼兒頭偏一邊雖露頂非也乃額角耳令母仰臥穩婆輕手扶正頭頂即生 又有兒頂後骨偏住穀道旁露其額者令穩婆以棉衣烘溫裹手於穀道外邊輕輕推兒頭令正即生

四曰臍產因兒轉身時母用力太早致兒臍帶絆肩雖兒身已正門路已順兒頭已露猶不能生令產母仰臥穩婆輕輕推兒向上以中指按兒肩撥下臍帶俟兒正順即生

五曰坐產因兒將產其母疲倦久坐椅褥抵其生路須用手巾一條拴繫高處令母以手攀之輕輕屈足作坐狀產戶舒張兒即生下

升穩婆以香油塗手後送入
去 一法以生半夏為末搐鼻中其腸自收上 又法以醋半盞水七分調和喫產母面每

喫一宿三喫盡收

予意若用此法恐產母受驚氣散反有不便

又法濃煎黃耆湯浸之

其腸若乾以磨刀水少

許溫潤之再用磁石煎湯服之即收上

磁石須覓陰陽家用過有驗者

又方大紙攤蘇油潤之點燈吹炮以

烟薰產婦鼻中腸即上

此方平善可用

七曰凍產冬月嚴寒被衾單薄下部受凍以致血冷凝滯骨節產戶堅收兒不能即生速以芎

歸湯加炮薑或肉桂與服衣服宜厚產室宜煖下體更宜溫厚但火氣不可大熱恐致血暈

一法以葱白煎湯薰洗大抵嚴寒時月產久傷冷氣血必凝用薰洗之法甚妙坐草太早

去被良久常有此患慎之慎之

八曰熱產夏月酷暑產室人多熱氣逼蒸使產母熱傷氣分頭痛面赤昏昏如醉氣乏不能產

下宜服六一散且置涼水室中若涼臺水閣以及狂風陰雨更當謹避總之產婦當溫涼得

中為妙

九曰驚產或因少婦初次生產或因向來難產臨期恐懼以致氣結不行兒不即下紫蘇飲最

妙或用紫蘇一錢當歸三錢長流水煎服名舒鬱湯

十曰傷產懷妊未足月有所傷動以致臍腹疼痛忽然欲產或妄服催藥逼兒速生如此生息

未必無傷慎之

胞衣先破其故有二其一因母弱氣血虛胞衣薄兒身轉動隨觸而破一因兒身未轉坐草早

用力狠以致胞破破久水血乾產路澁兒難下急用大劑加味芎歸湯加熟蜜一兩助氣而

兼潤滑自當順下

又法濃煎葱湯薰洗產戶即下或以黃耆當歸觔許以大釜煎之使藥

氣充滿一室產母鼻口俱受其氣亦良法也

予意冬月最宜春秋亦可若夏酷熱不宜

又有胞衣先破被風所吹

以致產戶腫脹乾澀狹小者亦莫妙於濃煎葱湯薰洗再服加味芎歸湯

又有狡滑穩婆

意欲害人私以手指搗破胞衣者極要關防

臨盆各方

臨產宜忌

臨產時只宜老成二三人安靜伺候切不可多人一切親族婦女勿令入房若多

一人即多一時遲延孝服穢濁人尤當避忌夏月更不宜多人熱氣擁盛能令產母煩燥發

暈其害非小

穩婆只宜一人入房不可多喚反致混亂有悞

凡用穩婆須擇老成忠厚

者預先囑託及致臨盆務必從容寧靜千金日夜半覺痛日中則生可知時至自然分娩不

得用法催逼

在房伺候者總宜安靜不可多言切忌在房中令產婦穩睡為妙第一要勸

其安心忍痛歇息切忌在房中大驚小怪交頭接耳咨嗟嘆息及求神許願皆能令產母憂

疑擾亂以致悞事

最忌曲身眠臥蓋產母畏痛不肯直身行動以致胎轉不順將到產門

被母曲腰遮閉再轉再閉兒必無力而不能動決定難產人見其不動即謂其胎死實因無

力非死也此時任有妙藥亦不能助兒有力而動只要產母心安氣和息養片時自然生下

惟切忌驚憂燥急蓋驚則氣亂憂則氣結燥急則氣逆惡血上冲多致悶絕

天時寒冷產

母衣裳宜厚被褥宜溫背心更宜和暖房中宜多設火盆辟除寒冷否則氣血凝滯兒難送

下 盛暑之月產室須要清涼熱甚則產母頭疼面赤必致昏暈宜多備井水以收熱氣須

頻頻換之若遇疾風陰雨又當謹避

或有兒生不順與雙生難出以及怪胎不必驚怪自

肺清湯宜頻頻與之 宜時吃稠膩米粥令勿饑渴以致乏力更不宜食硬冷難化之物
產時捻產母中指若中指跳動方是大產之時 臨產腰痛甚急兒逼產門方可坐草

交骨不開產門不開均治死胎亦下

自死龜板炙酥一錢婦人頭髮煨燒存性一錢當歸二錢五分川芎一錢煎服

交骨不開 臨產交骨不開有鎖骨者有元氣素弱胎前又失於調養以致氣血不能運達而
然也用加味芎歸湯無不立驗外法令穩婆以麻油調滑石塗入產門

加味芎歸湯

當歸一兩川芎五錢敗龜板一個或童便炙過血餘即壯盛婦人頭髮瓦上燒灰存性一握水煎服約人行五里

即生如胎死亦下

佛手散 妊娠六七月後或跌撲傷胎或胎死腹中疼痛不已口噤昏悶或心腹飽滿血上衝
心者服之生胎即安死胎即下即懷妊後偶然傷胎至腰腹疼痛不拘月數多寡兩服即安
臨月兩三日前覺行動不便預服此一劑可保無虞又治橫生倒生及產後腹痛發熱頭疼
逐敗血生新血并除諸病

當歸錢五川芎錢三水七分酒三分煎服

又方亦名加味芎歸湯

當歸兩一枳殼錢一川芎錢三益母草錢三黃芪五錢水煎服臨盆將產服此最妙屢試屢驗

催生神柞飲 婦人臨產服之活血逐瘀可保萬全不拘橫生倒生胎爛腹中脹滿及少婦交

骨不開服用屢驗

生柞枝二兩 甘草五錢 水二碗煎一碗服

又方 少婦初產交骨不開或因臨盆太早用力催逼兒橫腹內諸藥無效此方百發百中實救急之良劑也

生柞枝洗 益母草各一兩 川芎五錢 當歸五錢 人參三分 水二碗煎一碗溫服 產母須仰臥片時待

藥力到時交骨自開兒身順正然後扶起產母臨盆脫然而下全不費力矣 方用柞枝取其滑澤益母草動血活血芎歸養血調氣人參接養母力更兼安心靜卧使藥力通達自必脫然而產矣

催生救苦 凡臨盆將產者宜先服此藥催生最佳將產可服未產不可服

當歸七錢 川芎二錢 牛膝二錢 車前子一錢 正桂心二錢 水二鍾煎八分熱服或服後能飲熱紹酒一亦妙 若胎死腹中或堅滯不下者加朴硝三錢 即下 如氣虛困劇者加人參一錢

另燉如無力用真潞黨參四錢 代之或黃芪二錢 亦可 若陰虛血衰者必須加大熟地三錢

血滯難產臨期難產敗血凝滯不能生下者

芎歸湯加牛膝瞿麥服之即產昔醫宿夜店值店婦生產數日不下下體甚冷急令以椒橙菜萸等煎濃湯薰洗臍腹產門等處氣溫血行遂產產期未至不可令扶產人早抱腰恐兒難轉身

治產難神方

取草蘇仁十四粒 每手各握七粒須臾立下而母子平安

產難仙方 凡產婦累日胎不得下勢在危急之候即用

難產奇驗方

生半夏 白薇等分為末每遇難產婦人或一二日不生急用此藥末一錢無灰酒送下不論橫生倒產胎衣不下只一服無不下

臨產不生體冷 凡難產數日不生下體俱冷危在頃刻者急取

花椒 橙葉 茱萸各三錢共煎湯一盆令產婦以小櫬坐盆內薰洗良久小腹俱煖氣溫血

行遂產此無力無醫無藥之時得一奇人傳授居然安產取春令發生之意如體氣虛弱者宜用脫化煎主之速而且安方在產科門內

臨產連日不下 因用力太早用此方以助其力

黨參一錢白朮一錢茯苓八分當歸五錢炙甘草三分川芎一錢酒芍二錢熟地一錢乳香五分益母草二錢丹參三錢水煎服

胎產不下

端午日取猪心內淨血去血裏筋和黃丹為丸以硃砂為衣如黃豆大陰乾臨產時用滾水服一丸即下

裂胞生 凡裂胞生及難產數日血水枯澁命在垂危

桂元肉六兩煎生牛膝一兩絡酒一兩並桂圓湯和服半日即生產

胞乾難產 凡見紅胎胞乾澁難產者連進三服即產

黃蜀葵花焙炒不論多少每服三錢開水調下如無花葵子四十粒研末溫紹酒調服 若因

跌撲打傷胎死腹中者加紅花二錢三 紹酒調服

臨產傷陰成淋 凡臨產時膀胱為穩要傷破小水淋漓無度

生黃絲絹剪一大片白芨一錢白丹皮根木一錢水二碗煮至絹爛如錫空心服下噦時不可作聲
橫產手足先出

竈中心對鍋底土一塊研細末每服一錢紹酒燉熱調服

逆產橫生

百草霜取釜底心者六錢白芷曬乾不見火六錢共研極細末以童便一杯米醋調和如膏加沸開水調服

或童便一杯紹酒少許同水煎服亦可每服三錢 薛立齋云此藥大能固血可免血乾治

逆產橫生其效更驗或以手中指取鍋底墨交畫兒足下即順

橫生逆生灸法 凡諸藥不效者但用

陳艾揉熟作丸如小麥大將產婦右脚小指尖頭連火灸三次立產神驗之至

倒生口噤

冬葵子一合炒黃研末紹酒炖熱調服二三錢

霹靂奪命丹 凡臨產目翻口噤面黑唇青口出沫沫臉紅者可救

蛇退瓶一錢蠶紙瓶一錢灰一錢血餘一錢乳香一錢共研末開水下

生產困悶

冬葵子一合水二升煮至半升即服少時便產曾有午時服藥未時登廁立產兒於廁中也

臨產暈絕

紫酒 治孕婦腰痛如折

黑料豆二合 白酒一合 煎至七分空心服如不善飲酒者水煎服服藥後畧飲酒一二口以助

藥力

保產無憂方 治一切產症懷妊六個月每月即用兩三劑不特易產可免產後諸病臨月

正產交骨不開橫生逆下或子死腹中或六七日不下者命在垂危切忌用手割取致傷產

子母深可憫惻只用此方服之胞胎立刻即下未產者能安胎臨產者能催胎其效如神

川芎三錢 歸身二錢 黃芪一錢 羌活六分 枳殼七分 蘇梗一錢 厚朴五分 薑一分 荊芥穗一錢 白芍一錢 酒炒五分

減冬月 砂仁五分 末五分 香附一錢 碎五分 打五分 兔絲子一錢 酒炒五分 大棗二錢 水二鍾 煎八分 渣水一鍾 煎六

分胎前空心溫服 臨產時加人參錢許如無人參倍用黃芪 兔絲子若至彌月加去心

研細川貝二錢此係神授以救世活人之方一切不安時以此藥服之安然無恙藥料切須

揀選地道逐件秤准方效

子死腹中 凡臨產子死腹中母氣欲絕者

伏龍肝三錢 水調服 或用飛硃砂一兩 水煮數沸為末紹酒炖熱調服立下 或益母草不

拘多少以暖水少許和絞取汁服之亦下

胎死腹中 臨產腹中胎死或觸損傷或犯禁忌或因胎氣薄弱不成而損至於臨盆太早胞

漿先破胎血乾涸而死者只宜

佛手散加味芎歸湯服之自下若不下再用 當歸一兩 厚朴 陳皮各二錢 酒水各半煎好加

朴硝一錢 能令化下極易如或不便服藥但令產母不要慌忙逼迫亦遲遲生下定不傷母慎

勿亂用奇方並聽兒惡穩婆致傷兩命 或問何以知其胎死曰面赤舌青母活子死面青

舌赤口中沫出子活母死面舌俱青口邊沫出子母俱死且死胎冷墜脹痛或為嘔惡或微

氣上衝與好胎不同 薛立齋云下死胎平胃散加朴硝最妙方用 厚朴 蒼樹 陳皮

各二錢 甘草五分 朴硝五錢 水煎服 胎死不出及胞衣不下產後諸疾狼狽者刺羊血熱飲一小

盞極效 聖惠方

子死腹中不出

黃牛糞數母臍中即下

死胎不下 凡下死胎只宜佛手散並加味芎歸湯或再不下用平胃散

蒼朮 米泔浸 厚朴 薑汁 陳皮 去白各 甘草 一錢 加朴硝 二錢 一服能下古人立法自有精義

勿用怪藥致傷母命

熱病胎死

紅花 五錢 酒 二錢 煎服即下如不產再照方服之胎衣不下亦治

臨產下痢

梔子 燒空 心熱酒服 一甚者不過五服即愈

保全兩命

婦人頭髮 燒反 川芎 當歸 各二錢 水煎服生死俱下

胞破不生

鬼白 黃色者不去毛為細末不用篩播只搥之如粉為度無灰酒一杯同煎服一錢立生

今不待一開而強出之故胎出而骨脂隨附以致胞出不及耳如遇此症用

佛手散加牛膝

瞿麥各二錢

滑石一錢

水煎服自下若敗血流入胞中胞即脹大不得下治之

稍緩脹滿腹中上衝心胞疼痛喘急宜斷臍帶使其子血脈不潮入胞中但此帶極脆宜以軟絹裹之用心拏定然後斷之否則胞上掩心立至危殆宜急服牛膝湯或佛手散逐去胞中敗血即時墜下只要產母安心自無患害切不可輕信穩婆妄用手法多致死亡 兒既胞脫帶必下墜胞在腹中形如仰葉仰則盛聚血水脹礙難出惟得老成有識穩婆以手指頂其胞底使血不留聚或以手指摸上口扳開一角使惡露傾瀉則中空自落矣 其有氣血疲弱不能傳送而不出者產母但覺乏力別無脹痛又當補氣助血宜加味芎歸湯不可亂投方藥 或將產母頭髮吊起急以髮梢探母喉中一嘔即下

又方

無名異

三錢為末即漆匠所用煎油之藥是

以雞蛋清調勻再以陳米醋一茶鍾煎滾沖服其胞衣縮小如秤

錘產下倘或未下不必驚惶再服一劑即下

又方

將產婦自己頭髮塞口中打一惡心即下 又用竈脚下泥放臍眼內濃煎甘草服之亦下

又方

芒硝

二錢

牛膝三兩

水煎童便半鍾沖服立下

又方

雞蛋清二個去黃以好醋一鍾調飲之

又方

將本婦之褲覆井上即下

又方

用草紙燒烟薰鼻烟氣內納即下 或以鐵秤錘燒紅泡好燒酒服之亦下 或醋炒黃牛

糞布包熨腹兼下死胎或荊芥穗三錢煎濃服立下甚效

又方

乾荷葉不拘多少用開熟水一冲隨服隨下連冲即效煎湯不效

或用紅花兩紹酒煮濃汁服之亦效

又方

凡胞衣不下不必驚惶即用

黃牛雌尿服之即下取牛尿法將牛牽入水中其尿自出務須預先備器盛之庶無遺漏如

無黃牛雌尿即用金鳳花子五六粒白湯送下其胞衣即落金鳳花又名鳳仙花白者不用否則

即用雞屎薰以開水調勻澄清服亦能下此三方屢試屢驗百無一失湘邑徐姓傳

又方

用竈心土以米酒澄清服之立下灶心土即伏龍肝兼治橫生逆產其勢極危者用竈心土調米酒澄清服之即便產下效驗如神

催生及胞衣不下用

草蘇仁七粒去壳研成膏塗腳心若胎及衣已下速即洗去不爾則子腸隨出倘子腸已出即以

此膏塗頂心穴而腸自入誠千金不易之奇方也

胞衣先破不產凡胞衣先破不即生產大小色在頭小者

麻油 童便 無灰酒 蜂蜜蒸熱服

胞衣不來方

生雞蛋

五六個

去黃只將白生吞下便出

產後各方

新產宜忌

小兒出戶扶產人即以兩手輕抱產母胸前產母亦自以兩手緊抱肚臍令胎衣下墜再宜以手從心下輕輕按摩至臍日三四次使惡露不留

宜厚鋪褥高枕靠墊勿令睡下宜仰卧不宜側睡宜緊膝不宜伸足宜閉目靜養切忌大喜大怒亦勿令熟睡恐倦極熟睡血氣上壅因而眩暈亦不宜高聲急叫以致驚恐四壁遮圍使無空隙庶免受風

房中宜燒舊漆器或用鐵秤錘燒紅入醋中或以醋沃炭火上或以銅杓盛醋微火常煎令醋氣入鼻以免血暈且收斂神氣亦能解穢

婦人產後如無他症不必服藥三日之內但以益母草山查肉伏薑少許煎湯紅糖調化溫與頻服使惡露下盡自無血暈腹痛之患三日之後少飲陳酒不可令醉又不可即食雞子豬羊等肉須以白粥調理松江鯊魚淡蒸或梅乾菜食之半月方與鯽魚豬肚去油漸食爛飯纔免陽盛陰衰發熱脹滿瀉痢等患若不避風寒而感冒不慎口腹而傷中俱致發病

初產時不可問是男是女恐因言語而泄氣或因愛憎而動氣皆能致病倘若連胎生女此亦人事之常凡為翁姑與丈夫者只宜好言寬慰切不可咨嗟嘆息將婦抱怨令其氣苦未免

致病傷生慎之慎之

生男生女自有定數明理達人安於義命世有因連胎生女而或棄或溺者能不遭上天殘忍之鑒乎文王之聖后妃之德故得麟趾螽斯之慶修德行仁自縣瓜瓞求子嗣者弗以予為迂濶也

滿月後方可梳頭洗足否則手足腰腿必有酸痛等症不可獨宿恐致虛驚不可刮舌恐傷心血不可刷齒恐致血逆須至滿月氣血平復方可照常理事

血暈與氣脫宜分別施治

血暈是實症逐瘀為主此因惡露不行惡血沖心心下滿急神昏口噤不省人事者切勿放倒急與生化湯失笑散或佛手散皆可用 一法用韭菜一把切碎放在有嘴瓶內以熱醋一大盞灌入紮口以瓶嘴向鼻遠薰之 氣脫是虛症補正為主此因平素虛弱臨產復用力勞傷去血過多亦致昏暈不醒微虛者少頃即甦大虛者脫竭即死但察其面白口開自汗手足厥冷六脈微極是氣脫症也生死判於頃刻切勿放倒令一人挽住頭髮急與大劑芎歸參附等回其陽或增損四物湯煎濃徐徐灌之但得下咽即可救活若認作血暈而行血藥投之益速其斃

產後血攻或下血不止心悶面青身冷欲絕者刺新羊血一盞飲之三兩服妙 若血氣虛弱又感風邪忽然昏暈不知人事者清魂散最佳

清魂散 治產後氣血虛弱外感風邪昏暈不省

當歸錢二川芎五人參錢一錢另甘草三分荆芥炒八分為末酒調溫服煎湯亦可